

## **AKT THEMELIMI & STATUT**

### **I SHOQERISE ME PERGJEGJESI TE KUFIZUAR "TRILOGIC FINANCIAL SOLUTIONS" shpk, TIRANE**

Sot me date 14.11.2019 (dymije e nentembedhjete), **Z. Mordechai Soffer**, atesia Ilyzik, i datelindjes 13.03.1977, lindur ne Israel, banues ne 52, Arlozov Street, Raman Gat, Israel, shtetas Izrael, mbajtes i dokumentit Pasaporte Izraelite Nr. 21482711, madhor me zotesi te plete juridike dhe per te vepruar, njohes i gjuhes shqipe.

I cili me cilesine e " Ortakut Themelues ", redaktoi dhe nenshkroi kete Akt Themelimi & Statut, nepermjet te cilin deklaron se, me vullnet te lire, te plete e te sinqerte dhe inisiativen e lire private, mbeshtetur ne Kushtetuten e Republikes se Shqiperise dhe Kodin Civil ne fuqi, Ligjin nr.9901 date 14.04.2008 "Per Tregtaret dhe shoqerite tregtare", Ligjin Nr. 9723 date 03.05.2007 "Per Qendren Kombetare te Regjistrimit ", ne legjislacionin Doganor, Fiskal e Tatimor, krijojne shoqerine tregtare, me pergjegjesi te kufizuar, "TRILOGIC FINANCIAL SOLUTIONS" sh.p.k.

#### **Neni 1**

#### **Krijimi**

Shoqeria , "TRILOGIC FINANCIAL SOLUTIONS" shpk, Tirane, eshte person juridik i te drejtes shqiptare, Shoperi me pergjegjesi te kufizuar (me poshte e quajtur "Shoqeria").

#### **Neni 2**

#### **Personaliteti juridik**

Shoqeria fiton personalitetin juridik pasi te jete regjistruar ne QKB, ne perputhje me kushtet dhe procedurat e parashikuara me ligj.

Shoqeria, pasi te kete fituar personalitetin juridik, eshte pergjegjese ndaj te treteve per detyrimet dhe demet e shkaktuara gjate veprimtarise se saj.

Shoqeria "TRILOGIC FINANCIAL SOLUTIONS" shpk, , eshte nje e tille, kapitali i se ciles ndahet ne kuota dhe qe themelohet nga ortaku qe perballon humbje vetem deri ne kufirin e vleres se kontributit te tij ne kapitalin themeltar.

#### **Neni 3**

#### **Selia dhe Territori**

Shoqeria do te kete seline ne: Rruga e Kavajes, GKAM CENTER, Kati 4, Zvra Nr. 12, Tirane. Shoqeria mund te ndryshoje seline e saj, te hape zyra perfaqesie, dege, te krijoje filiale, si brenda ashtu edhe jashte Republikes se Shqiperise, vetem me vendim te Mbledhjes se Asamblese se Ortakeve.

#### **Neni 4**

#### **Objekti i veprimtarise**

##### **Objekti i veprimtarise se shoqerise:**

Shoqeri sherbimesh dhe aktivite te konsulences aktive financiare, hulumtime te tregut per kliente te ndryshem. konsultime korporative. ndermjetesime te investitoreve. Terheqjen e investitore potenciale ne teiritorin e Shqiperise. Kryerjen e cdo aktiviteti qe lidhet ngushtesish me aktivitetet e mesiperm te permendura, dhe permbushja e cdo akti tjeter qe ka si qellim vazhdimesine, ose konkluzionet e te gjitha operacioneve administrative, financiare dhe ekonomike te duhura dhe te nevojshme per realizimin e objektivave te permendura. Zhvillimi i praktikave administrative te cdo lloji, ndermjetesime, konsulence, vleresime, aktivitete te nje agjensie e cila funksionon ne cdo sektor. Promovimi dhe pjesemarrja ne mundesi te ndryshme investimi qe mund te paraqiten ne cdo sektor te ekonomise se vendit, duke u prezantuar si

investitor i barabarte me subjekte të tretë, investitor i vetëm ose investitor mazhoritar me qëllim arritjen e objektivave ekonomike të shoqërise dhe pjesemarrjes në projektet me impakt social që diktojn rritjen ekonomike te vendit dhe standartet e tij të jetesës. Shoqeria mund te zhvilloje aktivitetet sherbimi, cdo tip operacioni ose investimi ne sektorin e pasurive te luajtshme, te pasurive te paluajtshme, financiare, tregtare, lëshimin e garancive, garanci dhe koncesione hipotekore, duke përfshirë edhe hyrjen ose marrjen pjesë në çdo formë, në formen e konsorciumit, në një sipërmarrje të përbashkët, joint venture, në sipërmarrjet e përkohshme të përbashkëta dhe konsorciume, në kompani të tjera që kanë objekt të ngjashme shoqërore ose plotësuese. Shoqëria mund të kontraktojë kredi dhe në përgjithësi të kerkonte çdo forme të financimit me bankat, me shoqeri dhe individë me garancitë e përshtatshme mobiliari dhe pasurive të paluajtshme, reale dhe personale. Shoqëria mund të aplikojë ndajcdo forme të financimit dhe / ose kontributete nga karakteri kombëtar dhe nderkombetare. Prosesi i përzgjedhjes për rekrutimin e stafit dhe organizimin e kurseve të informacionit, edukimit dhe trajnimit. Aktiviteti i marketingut strategik dhe operacional dhe humumimit të tregut; kerkimi dhe zhvillimi. Duke marrë përfaqësimë, mandate, të delegoje per llogari te shoqerive tregtare, industriale, ushqimore dhe shërbimeve në përgjithësi duke marrë pozicionet brenda sferës së ndermjetesimit tregtar. Me vendim të organit kompetent, shoqëria mund të zotëroje në mënyrë të drejtpërdrejtë apo të tërthortë pjesëmarrje në shoqëri apo ndërmarrje të tjera, shqiptare apo të huaja, të cilat kanë objekt të njëjtë, të ngjashëm apo ndihmës me të. Pjesëmarrja në shoqëri që për llojin e tyre nuk ofrojne përgjegjësi të kufizuar, miratohet paraprakisht nga asambleja e ortakeve.

### Neni 5 Kohëzgjatja

Shoqëria do të zhvillojë aktivitetin e saj për një periudhë kohore të papercaktuar, duke filluar nga data e regjistrimit në Qendrën Kombëtare të Regjistrimit (QKR).

### Neni 6 Kapitali themeltar

Kapitali themeltar i shoqërise është i perbere nga kontributi ne para i ortakut te vetem ne vleren 10,000 Lek dhe është i ndarë në 1 pjese, ne kete menyre:

1. **Z Mordechai Soffer, 1 kuote me vlerë 10,000 Lek (dhjete mijë Lek), te barabarte me 100% te kapitalit themelues**

Kapitali i mësipërm është nënshkruar dhe shlyer tërësisht në të holla nga ortaku i vetem i shoqërise, me vlerë të përgjithshme 10,000 Lek, që përbën 100% te kapitalit themeltar të shoqërisë.

Ortaku i vetem përgjigjet për humbjet e shoqërisë përkundrejt të tretëve deri në vlerën e kontributit të tij në kapitalin themeltar të shoqërisë.

Nese shitne kuotat dhe shtohen ortake, ne baze te kerkeses se organit administrues ortaket mund te sjellin parë ne shoqeri sipas marreveshjes paraprake te lidhur me tyre. Kjo derdhje mund te behet ne formen e zmadhimit te kapitalit dhe/ose ne formen e financimit te shoqerise. Ne rastin e financimit nga Ortaket ne forme huaje, nuk nevojitet perpjessheria mes shumes se derdhur ne shoqeri dhe kuotave te kapitalit që Ortaket zoterojne.

### Neni 7 Zmadhimi dhe zvogëlimi i kapitalit

Zmadhimi dhe zvogëlimi i kapitalit themeltar të shoqërise kryhet sipas vendimit të asamblese së përgjithshme të ortakut te vetëm, dhe nese ne shoqeri shtohen ortakë, me shumicën e 3/4 (tre të katërtave) të kuotave të kapitalit themeltar të shoqërisë.

Nese ndonjeri nga Ortaket nuk do te nenhkruaje kuoten e tij te kapitalit ne zmadhim, e drejta e opsonit do ti perkase ortakeve te tjere. Duke mos e ushtruar ortakët të drejtën e opcionit, kapitali në zmadhim i panënhkruar do te nenhkruhet nga palë të treta.

Zvogëlimi i kapitalit realizohet me vendim të Asamblese se Pergjithshme, në të njëjtat kushte që kërkohen për ndryshimin e statutit. Projekti i zvogëlimit të kapitalit u komunikohet ekspertëve



kontabël të autorizuar, në rast se ka të tillë, të paktën 45 ditë përpara datës së mbledhjes së Ortakeve të thirrur për të marrë vendim rreth këtij projekti.

Zvogëlimi i kapitalit themeltar në një vlerë më të vogël se ajo e përcaktuar në nenin 6 të këtij statuti, e bën të detyrueshme marrjen e një vendimi prej shoqërisë për zmadhimin e kapitalit themeltar të paktën deri në vlerën minimale. Në të kundërt shoqëria duhet të shndërrohet në një formë tjeter. Në rast mosbatimi të kërkesave të këtij paragrafi, çdo person i interesuar mund të kérkojë në rrugë gjyqësore prishjen e shoqërisë. Kjo prishje nuk mund të shpallet, në qoftë se rregullimi është bërë në ditën kur gjykata mblidhet për të marrë vendim.

Përgjegjësia e ortakeve për detyrimet e shoqërise shtrihet deri në vlerën e kontributit të tyre në kapitalin e saj themeltar.

Kuotat e kapitalit të shoqërise nuk mund të rendohen lirisht me barrë siguruese apo të drejta të tjera reale.

Secili ortak ushtron të drejtat pasurore të parashikuara nga ligji në proporcion me kuotat e pjesemarrjes ne kapital.

Ortakët që nuk marrin pjesë në administrimin e shoqërise kanë të drejtë t'i kérkojnë organit administrativ informacione mbi aktivitetin e shoqërise, si dhe të konsultojne dokumentet kontabel e dokumentet e tjera që lidhen me administrimin e saj.

### Neni 8 Pasuria e Shoqerise

Shoqeria behet pronare e pasurise se luajtshme apo te paluajtshme kur vlera e pasurise mbulohet teresist ne te holla.

### Neni 9 Transferimi i kapitalit

- Kapitali themeltar ose Pjesë të tij mund të trasferohen lirisht mes ortakeve të shoqërise.  
- Kapitali themeltar i shoqërise ose pjesë të tij mund të trasferohen tek persona të tretë vetëm pasi ortakët e shoqërise në përputhje me dispozitat e legjislativit shqiptar zyrtarisht kanë refuzuar ushtrimin e të drejtës së parablejes. Trasferimi i kapitalit themeltar të shoqërise ose i pjeseve te tij tek persona të tretë behet vetëm në këtë mënyre:

- Oferta per shitje u drejtohet te gjithe ortakeve me shkrim ose mjete elektronike;
- Oferta duhet te percaktoje numrin e kuotave qe shiten dhe çmimin e tyre;

Nese Ortaku e shoqerise brenda 30 dite nga oferta me shkrim (te saktesuar me fletemarrjen postare) nuk pranojne blerjen e kuotave te ofruara me çmimin e percaktuar, atehere konsiderohet se ata lejojnë shitblerjen tek te tretet.

nese me shume se nje nga Ortaku shpreh deshiren per te ushtruar te drejten e parablejes se kuotes se kapitalit ne shitje, kuota do te ndahet ne menyre te perpjesshme me kuotat ekzistuese.

- Pjesët e kapitalit themeltar janë lirisht të transferueshme me rrugë trashëgimie. Bashkshorti, paraardhesit dhe pasardhesit mund te behen ortake nepermjet trasferimit te pjeseve te kapitalit themeltar sipas kushteve qe lejohen ne ligj. Kuotat janë lirisht të transferueshme edhe në rast ndarjeje pasurore mes bashkëshortëve. Gjithashtu janë të transferueshme ndërmjet bashkëshortëve, si dhe ndërmjet para-ardhësve dhe pas-ardhësve.

- Kuotat e kapitalit mund te transferohen ne menyre te lire permes dhurimit (falas).
- Trasferimet e pjeseve te kapitalit themeltar duhet te vertetohen me akt notarial dhe te depozitohen ne organin kompetent.

**Klauzolë miratimi.** Nëse asnjë ortak nuk do të ushtrojë të drejtën e parablejes ne kohe dhe sipas kushteve të parashikuar për transferimin e kuotave apo të drejten e opcionit, kalimi i kuotave nuk do të mund të bëhet pa pëlqimin e Asamblese se Ortakeve që vendos për pranimin e trasferimit te nje person i tretë.

Ortaku mbidhen jo më herët se 30 (tridhjetë) ditë, por jo më vonë se 60 (gashtëdhjetë) dite, nëpermjet Asamblese të Zakonshme të Ortakeve, duke vendosur me votën pro (ne favor) me të paktën gjysmen e kapitalit themeltar.

2b

Pelqimi mund te refuzohet vetem kur bleresi nuk jep garanci te mjaftueshme rrith kapaciteteve financiare ose për kushtet objektive o për aktivitetin që kryen, të tilla që hyrja e tij në shoqëri mund të jenë e dëmshme për arritjen e objektivave nga shoqeria ose konflikt me interesat e shoqërisë apo te ortakevete te tjera.

Asambleja e Ortakeve duhet të njoftojë me shkrim në adresën që rezulton vendimin për miratim. Nëse brenda afatit prej 90 (nëntëdhjetë) ditëve nga marrja e kërkesës për miratim ortaku kerkues që nuk ka marrë asnjë komunikim miratimi do të konsiderohet si i dhene dhe Ortaku mund të transferojne kuoten e tyre.

Nëse miratimi i mohohet do të prezantohet një tjetër blerës. Për këtë qëllim, Asambleja e Ortakeve duhet të tregojë në letrën e refuzimit emrin e blerësit të propozuar; transferimi duhet të plotësohet me të njëjtat kushte të përcaktuara në kërkesën për miratim nga ana e aplikantit brenda 90 (nëntëdhjetë) ditëve pas marrjes së komunikimit të fundit.

### **Neni 10 Konfidencialiteti**

Ortakët e shoqërise si dhe personat e tjere të pranuar në shoqëri, bien dakord që të mos i ekspozojnë asnjë personi të jashtëm informacionet që do të disponojë shoqëria, kontratat që ajo do të lidhe, çdo lloj materiali, si dhe planet ose qëllimet që ajo ka për të ardhmen e saj

### **Neni 11 Dokumentet e destinuara per te tretët**

Të gjithë aktet dhe dokumentet qe nxirren nga shoqëria dhe të destinuara për të tretët, si letrat, lajmërimet dhe publikimet e ndryshme etj., duhet të tregojne lexueshem emrin e shoqërise dhe pas tij incialet "Shoqëri me Përgjegjësi të Kufizuar" ose incialet "shpk", si dhe emrin e administratorit ose te administratorëve.

### **Neni 12 Organi Vendimmarres**

Organet drejtuese të shoqërise do të janë Asambleja e Ortakëve dhe Administratori. Për efekt të ndryshimeve që mund të pësoje shoqëria në të ardhmen dhe shtimit të numrit të ortakëve, këtu e në vazhdim organit zotërues të kuotave të kapitalit themeltar të shoqërise do t'i referohemi me termin Asamble e Ortakëve.

Shoqëria mund të emeroje më shume se një Administrator. Ne çdo rast, kur termi "Administrator" perdoret per te percaktuar Administratorin e shoqërise, ky term nenkupton te gjithe Administratoret e saj sado qofshin keta ne numer.

Perveç organeve te parashikuara me siper Asambleja e Ortakeve mund te krijoje edhe organe te tjera drejtuese, ne aktet e krijimit te ketyre organeve do te percaktohen kohezgjatja dhe kompetencat e tyre. Administrator i shoqërise per një periudhe 5 (pese) vjeçare eshte Z. Mordechai Soffer. Administratori mund të përfaqësohet edhe nga një tjetër person me ane të një Prokure te Posacme.

### **Neni 13 Vendimet e asamblese**

Asambleja e Ortakeve vodos per çeshtjet qe ligji apo ky statut i rezervon ketij organi, si dhe per çeshtjet per te cilat, organi administrativ kerkon mendimin apo miratimin e ortakeve.

#### **KUORUMI:**

Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30% të kuotave. Në rastin kur asambleja e përgjithshme duhet të vodosë për çeshtje, të cilat kërkojnë shumicë të kualifikuar, sipas nenit 87 të Ligjit nr.9901 "Per tregtaret dhe shoqerite tregtare", ajo mund të marrë vendime të vlefshme vetëm nëse ortakët që zotërojnë më shumë se gjysmën e numrit total të votave janë të pranishëm personalisht, votojnë me shkresë, apo mjete elektronike.

Nëse asambleja e përgjithshme nuk mund të mblidhet për shkak të mungesës së kuoruminit të përmendur më lart, asambleja mblidhet përsëri jo më vonë se 30 ditë, me të njëtin rend dite.



## **VENDIMMARRJA:**

Me përjashtim të rasteve kur statuti parashikon një shumicë më të lartë, asambleja e përgjithshme vendos me tri të katërtat e votave të ortakëve pjesëmarrës, siç përcaktohet në pikën 1 të nenit 86 të ligjit nr.9901, për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë.

Me përjashtim të rasteve kur parashikohet ndryshe në ligjin nr. 9901 ose në statut, për çështjet e tjera të renditura në nenin 81 të këtij ligji, asambleja e përgjithshme vendos me shumicën e votave të ortakëve pjesëmarrës.

Çdo ortak ka te drejten e një vote per çdo kuote te kapitalit themeltar te shoqerise qe ai zoteron. Nje ortak mund te perfaqesohet ne mbledhjen e asamblese nga një ortak tjeter apo nga një person i trete, nepermjet një akti perfaqësimi me shkrim.

### **Neni 14**

#### **Kompetencat e Asamblese se Ortakeve**

Asambleja e Ortakeve mund te jete e zakonshme dhe e jashtezakonshme, kjo ne varesi te çështjes per te cilën eshte thirrur.

Vendimet e Asamblese se Zakonshme te Ortakeve merren me shumice te thjeshte te votave te ortakeve. Vendimet e Asamblese se Jashtezakonshme te Ortakeve merren me një shumice te cilesuar prej 3/4(tre te katertave) te votave te ortakeve te shoqerise. Per çfare nuk eshte pasqyruar ne kete nene, Asambleja e Ortakeve te shoqerise vendos ne perputhje me Ligjin Nr. 9901, date 14.04.2008.

Kompetencat e Asamblese se Zakonshme te Ortakeve do te jene:

- Vendos per perpilimin ose miratimin e rregulloreve per shoqerine apo per fusha te veçanta te veprimtarise.
- Vendos per ndryshimin e selise se shoqerise.
- Vendos per krijimin e zyrave ose te perfaqesive si dhe per krijimin e shoqerive ose te ortakerive me persona te tjere fizike apo juridike.
- Vendos per politiken afariste te shoqerise dhe percaktion fushat konkrete te veprimtarise se saj.
- Emeron dhe shkarkon Administrators e shoqerise, ekspertin kontabel, likuidatori duke percaktuar dhe detauar kompetencat e tyre, te drejtat, detyrimet, kohezgjatjen ne detyre, dhe shperblimin e tyre.
- Vendos ne lidhje me krijimin e organeve te tjera drejtuese qe mund t'i nevojiten shoqerise duke percaktuar ne aktel e krijimit te ketyre organeve, kohezgjatjen dhe kompetencat e tyre, per emerimin e personave drejtues te ketyre organeve.
- Asambleja e Ortakeve marrjen e vendimeve e kryen vete dhe nuk ben delegimin e vendimarrjes te asnje organ tjeter. Asambleja e Ortakeve vendos edhe ne lidhje me krijimin e sektoreve te veçante te veprimtarise se shoqerise.
- Shqyrton dhe miraton bilancin vjetor.
- Miraton tarifat e sherbimeve te shoqerise.
- Miraton pagat e te punesarve ne shoqeri.

Kompetencat e Asamblese se Jashtezakonshme te Ortakeve jane:

- Vendos ne lidhje me zmadhimin dhe zvogëlimin e kapitalit themeltar te shoqerise.
- Vendos ne lidhje me kohezgjatjen e shoqerise si dhe per mbarimin e likujdimin e saj.
- Vendos per ndryshimin e emrit te shoqerise.
- Vendos ne lidhje me ndryshimin e statutit te shoqerise.
- Vendos per ndryshimin e formes, per ndarjen e shoqerise si dhe per bashkimin e saj me shoqeri te tjera.
- Percaktion llojin e fondevë te ndryshme dhe masen e tyre, percaktimin e dividentit, marrjen dhe dhenien e huave, kredive, borxheve.
- Realizon marredheniet me te rendesishme ekonomike dhe financiare te shoqerise me persona te tjere fizik apo juridik, vendas apo te huaj.
- Vendos ne lidhje me transferimin e pjesëve te kapitalit themeltar te shoqerise.

- 
- Perveç kompetencave te lartpermendura, te cilat jane ekskluzive per te, Asambleja e Ortakeve ushtron çdo kompetence qe ia njeh ligji.
- Asambleja e Ortakeve ne rastet kur nuk ka emeruar Administrator, kryen dhe kompetencat qe ne kete Statut jane percaktuar per kete te fundit. Gjithashtu Asambleja e Ortakeve mund te kuflzoje Administratorin ne ushtrimin e kompetencave te tij

### Neni 15

Asambleja e Pergjithshme mblidhet sa here qe mbledhja eshte e nevojshme per te mbrojtur interesat e shoqerise.

Mbledhja e asamblese se Pergjithshme thirret te pakten nje here ne vit.

Mbledhja e per gjithshme thirret nga administratori/Administratoret apo Ortaku qe perfaqesojne te pakten 5% te totalit te votave ne Asamblene e Pergjithshme.

Asambleja e per gjithshme thirret nese:

- sipas bilancit vjetor apo raporteve te ndermjetme financiare, rezulton ose ekziston rreziku qe aktivet e shoqerisë nuk i mbulojnë detyrimet e kerkueshme brenda 3 muajve ne vazhdim.
- konstatohet se ortakelet qe kanë patur detyrime ndaj shoqerisë nuk i kanë realizuar ato sipas marrëveshjes paraprake te lidhur midis tyre;
- shoqeria propozon te shesë apo te disponoje ne menyrë tjeter aktive, te cilat kanë një vlerë me te lartë se 5 per qind te aseteve te shoqerisë, qe rezulton ne pasqyrat e fundit financiare te certifikuara.
- shoqeria, brenda 2 viteve te para pas regjistrimit te saj, propozon te bleje nga një ortak pasuri, qe kanë vlerë me te lartë se 5 per qind te aseteve te shoqerisë, qe rezulton ne pasqyrat e fundit financiare te certifikuara
- Ne cdo rast tjeter qe e kerkon ortakët qe zoterojnë te pakten 10 % te kuotave te kapitalit.

Ortakët vendosin mbi temat qe ligji dhe statuti i jadin te drejtën te vendosin

Vendimet e ortakeve mund te merren nepërmjet:

- a) vendimeve te Asamblesë se Përgjithshme ne mbledhje te zakonshme;
- b) keshillimit me shkrim

Procedura per marrjen e vendimit nepërmjet keshillimit te shkruar, rregullohet si ne vijim :

- a) Njëri nga ortakët apo administratorët u komunikon te gjithë Ortakëve dhe te gjithë Administratorëve qe nuk janë ortakë, tekstin e vendimit qe propozohet te merret, duke fiksuar një afat jo me te shkurtër se 5 ditë, brenda te cilit secili prej Ortakëve mund t'i komunikojë shoqerisë miratimin, abstenimin apo votën kundër. Ne rast se afati i caktuar eshtë plotësuar dhe Ortaku nuk eshtë shprehur, miratimi konsiderohet se nuk eshtë dhënë.
- b) Nga dokumentet duhet te duken me qartesi argumentet qe janë objekt i vendimit dhe miratimi i tyre.
- c) Komunikimet e parashikuara nga artikujt e mësipërm a) dhe b) mund te bëhen nepërmjet çdo mjeti dhe/ose sistemi komunikimi qe lejon një provë te nisjes dhe te marrjes se komunikimit, duke përfshirë këtu faksin dhe postën elektronike. Ne rastet e fundit, transmetimet ndaj Ortakëve duhen bërë ne numrin e faksit dhe/ose adresën e postës elektronike qe janë komunikuar ne menyrë te qartë nga vetë Ortakët.

### Neni 16 Ndryshimet e Statutit

Ndryshimet e statutit vendosen nga Mbledhja e Asamblese se Ortakeve.

Cdo ndryshim statuti duhet te depozitohet pranë QKR per te pasqyruar ndryshimet ne skedën e shoqerisë.

### Neni 17 Administrimi

---

## **Administrator/Perfaqesues Ligjor i shoqërisë do të jetë Z. Mordechai Soffer, për një afat prej 5 vjetësh.**

Administratori emërohet dhe shkarkohet me vendim të Mbledhjes se Asamblese së shoqërisë.

### **Neni 18 Kompetencat**

Administratori ka të gjitha kompetencat për të vepruar në marrëdhënie me të tretët në emër të shoqërisë, në të gjitha rrethanat me përjashtim të kompetencave që ligji ia jep shprehimi shqip ortakut të shoqërisë.

Administratori angazhon shoqerinë në marrëdhëniet me të tretët nëpërmjet akteve që janë në përputhje me objektin e saj.

Shoqëria nuk merr përsipër pasojat ndaj të tretëve kur ajo provon se të tretët e dinin që akti i administratorit e kalonte objektin e shoqërisë ose kur të tretët nuk mund ta injoronin këtë akt në rrethanat e dhëna, duke patur parasysh faktin se vetëm shpallja e statutit nuk është provë e mjaftueshme.

Klauzat e këtij statuti që kufizojnë kompetencat e administratorëve, të cilat rrjedhin nga ky nen, duhet të respektohen nga të tretët.

Administratorit ose ortakut që nuk janë persona juridikë nuk u lejohet të kontraktojnë në çfarëdolloj forme qoftë, të marrin hua tek shoqëria, të jasin pëllqimin në emër të saj, për paradhënie si dhe të bëhen dorëzënë apo të garantojnë në emër të saj angazhimet ndaj të tretëve. Në rast të kundërt kontrata është e pavlefshme.

### **Neni 19 Përgjegjësitë**

Administratori është përgjegjës individualisht, ndaj shoqërisë ose ndaj të tretëve, për shkelje të ligjeve, për shkelje të statutit, apo për faje të kryera gjatë administrimit të shoqërisë.

Pasojat e marrëveshjeve të pamiratuara nga ortaku i vetem që i sjellin dëm shoqërisë, i ngarkohen administratorit që ka bërë marrëveshjen, për të përballuar në mënyrë individuale pasojat përkatëse.

Përveç padisë për shlyerjen e démit që i ngarkohet personalisht administratorit, ortaku ka të drejtë të ngrenë padi penale kundër administratorit

Ortaku ka të drejtë të ndjeke në rrugë ligjore shlyerjen e plotë të démit që i është shkaktuar shoqërisë, përfshirë edhe dëmshpërblimin fmanciar, nëse është e nevojshme.

Ortaku që nuk është administrator, ka të drejtë në çdo kohë të informohet personalisht për veprimtarinë e shoqërisë dhe të njihet me llogaritë dhe dokumentet e shoqërisë.

### **Neni 20 Viti Financiar**

Viti financiar i Shoqërisë fillon me 1 Janar dhe përfundon me 31 Dhjetor. Përjashtimisht, viti i parë financiar fillon nga data e regjistrimit të shoqërisë në QKR dhe mbylltet me 31 Dhjetor.

### **Neni 21 Bilanci i shoqërisë dhe dividentët**

Brenda 6 muajsh nga mbyllja e vitit financiar, Mbledhja e Asamblese, miraton bilancin e paraqitur nga Administratori.

Mbledhja e Asamblese vendos rrith shpërndarjes së dividentit, pasi të janë zbritur edhe humbjet e vitit të mëparshëm financiar, siç edhe parashikohet nga ligji.

### **Neni 22 Ekspertët**

Eksperti ka për detyrë që të kontrollojë të gjithë dokumentacionin kontabël të veprimtarisë ekonomiko tregtare të shoqërisë, atë gjithëvjetor dhe atë në lidhje me kontrollet periodike të ushtruara prej tij per rastet kur ai është ngarkuar dhe ka kryer një gjë të tillë i ngarkuar nga ana e ortakut të vetëm.

Në perfundim të kontrollit eksperti kontabël i autorizuar përgatit raportin me shkrim për nxjerrjen e

---

rezultatit të bilancit finansiar vjetor si dhe për atë për kontrollet periodike të ushtruara, të cilat është i detyruar që t'ja paraqesë e dorezojë në kohë ortakut për t'i shqyrtuar e miratuar mbi bazën e të drejtës vendimore që ka.

### **Neni 23** **Bilanci Kontabël**

Bilanci Kontabël vjetor, miratohet mbi bazën e vendimit me shkrim nga ortaku i vetëm, i cili jo vetëm që dokumenton miratimin e tyre por vendos në lidhje me disponibilitetin e fondeve ligjore sipas nevojave të zhvillimit të mëtejshëm të shoqërisë dhe garantimin e veprimtarisë së rregullt të saj, duke pasur parasysh fondin e akumulimit, krijimin e fondit të veçantë etj.

### **Neni 24**

Të ardhurat neto (Dividenti) që mbeten pas vecimit të fondeve ligjore të mësipërme dhe të atyre për shlyerjen e cdo detyrimi fiskal apo likuidimin e pagesave ndaj të treteve, i mbesin dhe i kalojnë në pronësi, ortakut të vetëm të shoqërise.

### **Neni 25**

Shpërndarja ose prishja e shoqërisë mund të bëhet në cdo kohë dhe për cfaredo shkaku, edhe para plotësimit të afatit përfundim të cilën është krijuar sic mund të jene:

- a- Humbja e kapitalit ose pamundësia e vazhdimit të mëtejshem të veprimtarisë së saj.
- b- Në një nga mënyrat e parashikuara nga ligji "Për Falimentimin e Shoqërive Tregtare"
- c- Kur plotësohet afati i caktuar për ushtrimin e veprimtarisë tregtare.

Në këtë rast Ortaku i Vetem merr vendim me shkrim në të cilin parashikon mënyrën e likuidimit të shoqërisë, duke caktuar një apo disa likuidatore dhe shënuar në cdo dokument të nxjerrë prej tij emrin e likuidatorit dhe emërtesën shtesë "Shoqëri ne likuidim e sipër".

### **Neni 26** **Bashkimi dhe ndarja**

Shoqëria, me anë të bashkimit, mund t'i kalojë trashëgiminë e saj një shoqërie ekzistuese ose një shoqërie të re që ajo themelon.

Shoqëria gjithashtu me anë të ndarjes mund t'i kalojë trashëgiminë e saj disa shoqërite të tjera ekzistuese ose disa shoqërite të reja.

Ortaku i vetem i shoqërise, që bën kalimin e trashëgimisë së saj në kuadrin e operacioneve të përmendura me lart përfiton pjesë të kapitalit themeltar nga shoqëria ose shoqëritë përfituesë dhe sipas rastit një kompensim me para, vlera e të cilit nuk mund të kalojë 10 për qind të vlerës nominale të pjesëve të kapitalit themeltar të dhëna.

Operacionet e përmendura më lart mund të realizohen ndërmjet shoqërite të formave të ndryshme.

Bashkimi ose ndarja sjell prishjen pa likuidim të shoqërise që zhduket, dhe kalimin e plotë të trashëgimisë së saj tek shoqëritë përfituesë, në gjendjen në të cilën ndodhet kjo trashëgimi në datën e realizimit përfundimtar të operacionit. Bashkimi ose ndarja sjell njëkohësisht për ortakët e shoqërite që zhduken marrjen e cilësisë së ortakëve të shoqërite përfituesë sipas kushteve të përcaktuara në kontratën e bashkimit ose ndarjes.

### **Neni 27**

Afati i emërimit të likuidatorit, publikohet sipas kushteve që parashikon ligji përkatës duke specifikuar dhe dokumentat që duhen depozituar ne QKR.

### **Neni 28**

Likuidatori është i detyruar që të jetë i vëmendshem dhe korrekt, si për realizimin e të drejtave për subjektet ndaj të cilëve shoqëria është kreditore dhe për ekzekutimin e detyrimeve, debive që shoqëria ka ndaj shtetit, shtetasve të veçantë apo personave fizik apo juridik vendas apo të huaj.

### **Neni 29**

---

### Baza Ligjore

Shoqëria do te zhvillojë aktivitetin e saj në përputhje të plotë me këtë statut dhe dispozitat e legjisacionit shqiptar.

Për sa nuk parashikohet në këtë statut, do të zbatohen dispozitat e ligjit Nr. 9901 date 14.04.2008 "Per tregtaret dhe Shoqerite Tregtare, Ligji për QKR, Kodit Civil dhe çfarëdo ligji tjeter specifik në Republikën e Shqipërisë.

### Neni 30

#### Mosmarrëveshjet

Për mosmarrëveshjet që mund të lindin në lidhje me zbatimin apo interpretimin e këtij statuti, si dhe për çdo mosmarrëveshje që mund të lindë midis Shoqërise dhe të tretëve, do të jetë kompetente Gjykata Shqiptare.

#### Ortaku i vetem

MORDECHAI SOFFER



Renktheu fiks kallari

